

Održana radionica na temu „Uspostavljanje saradnje sa subjektima IPP-a – unos podataka u Registre IPP-a“

14.07.2026 10:10



Radionica na temu „Uspostavljanje saradnje sa subjektima IPP-a – unos podataka u Registre IPP“ održana je 14. jula 2026. godine u Tuzli. Cilj radionice bio je upoznavanje učesnika sa Zakonom o infrastrukturi prostornih podataka Federacije Bosne i Hercegovine, načinom funkcioniranja Infrastrukture prostornih podataka Federacije Bosne i Hercegovine (IPP FBiH), te osposobljavanje predstavnika institucija za korištenje aplikacije „Registri IPP-a“ i unos podataka u registre.

Radionici su prisustvovali predstavnici sljedećih institucija:

- Ministarstvo privrede Tuzlanskog kantona,
- Kantonalna uprava civilne zaštite Tuzlanskog kantona,
- Ministarstvo saobraćaja i trgovine Tuzlanskog kantona,
- JU Direkcija za ceste Tuzlanskog kantona,
- Ministarstvo poljoprivrede, šumarstva i vodoprivrede Tuzlanskog kantona
- Uprava za šumarstvo Tuzlanskog kantona

U okviru radionice predstavljen je koncept Infrastrukture prostornih podataka Federacije Bosne i Hercegovine (IPP FBiH), njen organizacioni model, zakonski okvir, kao i servisi prostornih podataka. Poseban fokus bio je na aplikativnom rješenju „Registri IPP-a“, uz detaljan prikaz načina unosa i upravljanja podacima.

U praktičnom dijelu radionice učesnici su izvršili praktičan unos podataka u Registre IPP-a, čime su stekli neposredno iskustvo u korištenju aplikacije i primjeni procedura za evidentiranje i ažuriranje podataka.

Uključivanje navedenih institucija predstavlja važan korak u jačanju međuinstitucionalne saradnje i aktivnijem uključivanju subjekata u razvoj IPP-a FBiH. Federalna uprava za geodetske i imovinsko-pravne poslove nastavlja pružati stručnu podršku subjektima IPP-a s ciljem unapređenja kvaliteta, dostupnosti i razmjene prostornih podataka u Federaciji Bosne i Hercegovine.